

歸

愚

詩

鈔

歸愚詩鈔卷五

長洲沈德潛稿士

五言古詩

擬古

杖策臨中田故人遠來顧殷勤相勞苦握手披情
愫為陳離別來幾見歲華莫日月不暫閒新者倏
成故聞有列仙人乃在名山住願言往從之迢迢
隔雲路

白榆光歷歷節序屆廩秋淡淡明河間盈盈今古
愁天人苟無情靈匹何相求緘情託青雀永言結

綢繆

團團古時月清光下中庭
虛檐交微風絡緯風前
鳴一與清景遇慨焉念平生
古人對月時亦似今
人情我欲往問之世遠其冥冥

蓬蒿有一士所憂匪饑寒
偃仰陋室中心已周人
寰本非忘世人不願輕飛搏
有鳥名鳳皇棲息崑
崙巔一鳴來虞廷載鳴來岐山
乘時展羽翮網羅
良已難

織手理素絲素絲潔且治
札札弄鳴機終日忘勞
瘁上織連理枝下織雙翡翠
裁以金剪刀縫成合

歡被子美在遠道千里遙相寄
願言附玉體時得
充君御物微意或深相期勿捐棄

形影不相離處暗有時歇與君非
一身安得不化
別化別路日遠時序忽已晚君車無停軸妾念車
輪轉車輪有還時形影終追隨
但恐秋林花搖落
無光輝

悽悽復切切念君當離別
別離行萬里萬里從此
始送君南陌頭僕夫戒行
輶惜此須臾景岐路少
遲留遲留各解散飛鳥東西
遠霜風變寒林遊子
腸欲斷良玉終出山
潛蚪終躍淵君子重令德離

合何足歎願君崇修名及茲壯盛年

飄風吹微雲舒此皎月光銀漢澹無波列宿正從
橫徘徊仰高天惋彼參與商吾有同袍友燕好情
無方展翰升雲路佇足瑤臺傍處高視聽易得意
散情忘瓢瓜難薦客織女不成章

凌苜附高樹倏忽百餘尺憑空何蔥蒨過者望顏
色高樹忽摧伐凌苜亦狼籍柔蔓委道旁末路依
荆棘此時蘭蕙花幽香散中澤

驅車東城路彌望多蒿萊廣阡術間中有池與
臺傳是公侯第樓閣與雲齊美人在天半素手攀

虹蜺四序倏徂謝榮盛等灰埃歌梁緬遺音飛鳥
猶徘徊嬋娟空復情主人安在哉今古盡如此且
息雍門哀

南海有故人樓止羅浮下遺我枯桐枝云自靈洲
野斲為文軫琴其音何大雅初彈懷湘吟寥寥嗣
音寘再彈文王操時俗誰知者悵望南雲端愴焉
涕盈把

贈真崖大兄三章

棘猴終難成木鷲終難飛讀書不務冥智巧將何
為吾兄綴道論奮焉埽浮辭成敗昭史筆微妙涵

自是言金
聖涯邊筭無不有任用羣兒譏羣兒尚華縵用為
青紫梯青紫非不好朝榮夕已萎

生平倦趨走遊山獨飛揚吳越明秀區遠道時裏
糧林屋既恍惚娃宮亦荒涼西湖十里間明鏡涵
清光想登紫陽峰放眼觀錢唐日月翻頽波雲山
空青蒼英雄竟何在江潮浩浩茫茫恨未岳頂遊直
上排天闔行當朝玉皇天關驟龍翔

名士如名山夙昔所欣愛來登羣賢堂交遊及冠
蓋中年忽有得吾道在韜晦外飾華易消內腴理
常在灌畦明月中晞髮白雲外客來勸著書含笑

嘗不對悠然面西山爽氣襲襟帶

石林精舍晤天鈞上人

尋山不厭誤紆迴久精廬寒潭映古佛山禽窺梵
書道人野鶴瘦晤言靜有餘觀空本無相涉想皆
成虛自慙形跡累身世未捐除

貫華閣晚眺

晚霽上高閣身出雲物表倚檻流遠目下界見微
渺葉葉天際帆點點煙中鳥有動自應息無生庶
能了清磬送客歸夕陽挂木杪

辭家

遠村荒雞聲庭戶光已白遊子起束裝云有南徐
役婦病尚纏綿向我長太息溫語作好懷勸我加
餐食苦無醫藥資回汝舊顏色欸欸別鄰里依依
對親戚離顏如草木霜露忽凋易時序已晚暮窮
賤竟何益

冬日偶然作

客途易增感而又當隆冬慘慘天欲雪萬木鳴悲
風檐端噪饑雀荒渚亂哀鴻忽動衣食懷俯仰慙
耕農辛苦集暮節百念勞寸衷寧無北門憂要須
勵固窮非分豈所安古賢多屢空

送徐龍友北上

天馬思歷塊豪鷹志凌霄吾友將遠行展駕臨河
橋壯氣溢睂宇興與山嶽高左牽紫絲韁右握鞘
中刀慷慨發浩歌歌聲激寒潮男兒志四方字內
憑所遭誰能戀妻子低顏守蓬蒿

訂交廿載餘敦盤時間作懷文耀黼藻出匣露鋒
鏗風雲氣揚揚星宿胸落落一朝別我去翱翔在
遼廓躍馬過大伾顧盼渡河洛

從中州入都顧著祖逖

鞭豈羨陸賈橐丈夫能自立吾道任龍蠖胡為馬
尾蠅千里有所託

蠙珠產淮環球琳出殼雍寶光照山川終為天室
貢當今正須材蒐羅到菰葑九天雷雨作下土萬
物動之子英偉資胸吞幾雲夢郢斤自成風羿穀
豈不中直上黃金臺突兀厭儕眾鄙人謀一身賢
達為世用盡雪處士羞儒林有威鳳

汪南沙泛海圖

送者自崖反伊人獨鼓柁天水浮虛空兩儀著何
際神仙亦尋常誰能問身世倘逢方子春携琴共
遐逝

初夏三首

庭陰一花落忽已朱明初歸心逐天風飛度吳城
隅家園紛草木雨過綠有餘含桃熟籬落竹筍穿
階除遶舍白水流糾笠聚新畬閨人學飼蠶料理
筐與蘧喚女求桑柘采采同勤劬感時念遠人林
陰立踟蹰

勺湖秀雲木蒼然自成林念當孟夏交鄰園共清
陰衆鳥悅情性咬咬流好音時來同志士嘉會成
盍簪䟽絃發古弄新聲汰哇淫追遊欣在昔離羣
感自今忽忽付夢寐悠悠懷所欽試問五湖水相
思深不深

恠石卧清池耕父拾駕瓦舊是錢王園僻在城南
野時偕童冠游春眼興瀟灑遠循榆柳邨共入雞
豚社物我各有適所得詎迺假二載虛巾屐時光
逐野馬不知二子還復追遊治故鄉足清娛羈
旅何為者

古詩三章答計維嚴

青鳥天上来銜書到我側遺我古篆文與盲人莫
測耀艷綴文藻纏緜寫胸臆知有列仙人愛我如
饑怒掌樂取牛鐸引鍼在磁石意足調自諧神合
氣不隔斯理未易言相賞詎形迹

煙波隔東西渺瀰百餘里我家門前流君家門前
水君乘五湖船來溯葑溪偏主人采山出良晤竟
無緣波流宛轉通人生自相逢相逢定何日目斷
雲煙重思君如連環輾轉無始終

文章起頽波滔滔蕩無底行水遺其原汜濫何時
已之子紹家學清詞通妙理已陟六代藩言究風
騷旨漢河自積石治雍終弱水大雅期復作扶輪
自茲始非君誰與言顧我將老矣

江上題雪牀上人詩卷

江波上明月風露霑衣襟蓬窓散卷帙枯禪有清

音寒林秋礪動煙岫孤猿吟異響歸一聽有得妙
無心靜對忘語言空明江水深

懷顧祿百

閒雲凝高天靄靄被六宇偃仰殊寘懽眷焉慕儔
侶朱方子倦遊燕臺子軒舉念子英妙年藻采翔
鳳羽宮懸重咸韶明庭需鼎呂懷寶違素心銜玉
同賈豎所賴通門友道合膺珪組惓惓絨寸衷無
由通晤語北望賦停雲蒼茫久延佇

遊大石

在陽山麓旁
有雲泉菴

卑由推鎮山大石擅竒蹟造物試搏弄鴻蒙劃開

闢匪由愚公移或是巨靈擘峰橫鳥側飛崖懸枝
倒植一柱危結構飛梁險節屐陰洞吹寒風終古
翳昏黑蒙密竹樹交掩映化人宅靜憩依蒲團問
飯經香積已慙隙中影偶得喧餘寂登陟緬曩賢
文采辨石刻有吳乾菴史明古諸公倡和詩碑刻名山待人重巖谷
頓生色事往目轉睫清詞半湮泐孰垂千載名感
歎情何極

尋滴水巖

空巖擁歸雲探幽屢迷誤山徑落葉深披尋得前
路隔林響淙潺境轉寒泉遇陰崖山骨穿虛竇水

脉露羣沫下涓滴歲久石疑蠹中藏不息機詎並
奔流注澄潭無纖埃觀心靜浮慮神骨自淒寒清
境難久住行逢晚樵還共蹋蒼茫去

題張翼庭詩藁

寒泉帶雪流孤鶴霑露警一編野綠詩韋柳共淵
靜感深理弗隔興超塵自屏石湖采蘋花清吟泛
煙艇美人渺天末悠悠碧雲冷

淮陰侯

淮陰貧賤時甘受少年侮如何既封侯羞與噲等
伍能忍功有成滿假禍斯取敵器貴挹損此事鑑

諸古

喜晤張子永夫

空塘停棹聲孤邨訪圭竇三年重會面丰采故如
舊貌瘦戰勝肥家貧著述富話言終日夕多半屬
耒耨時止占良背无咎觀井甃試問明堂材何如

散木壽

時永夫
五十

鐘鳴羣動息明月出巒嶺疎林散浮煙平莽接餘
景並坐玩清光慮澹無可屏人生幾會合况此良
夜靜因思後面難轉惜前別永聖久風露寒空山

孤鶴警

歲暮思故衣老去思故友生平喜結納意氣期不
朽中道忽翻覆乖睽復何有種樹莫種棘滋蔓恐
傷手唯餘敦信交有孚自盈缶君看南山松青青
寂長久

張石帆移居

幽人白雲懷去住任卷舒徙宅邨墅間宛在城西
隅野水沿廢圃蒲柳蔓荒墟激流還植援黽勉衛
蓬廬擷葵清露下藝薤小雨餘看婦夜織紵課兒
朝讀書偃仰得所安知止空百須匪耽高隱名卑
棲罕憂虞巢禽忘樹木游魚忘江湖適已無外慕

飛沉俱晏如

簡魏念庭憲副

火雲日燒空，旌節滯海外。陋壤無堂皇，僦屋成官
廨。案牘紛相仍，炎天每冠帶。沙戶十萬家，彫瘵望
沾丐。時逢災，祲年糧粒等珠貝。足兵先足食，撫輯
共為宜。救時策空籌，憂民病難瘥。近聞耳惠除，蟻
關分勝敗。政冗神清閒，形勞體舒泰。乃知德充符

注莊有神會

時以注莊十
二卷見寄

海東望江南，杳杳無涯垠。遠道遣雙鯉，傳書對溪
濱。憐我子桑病，知我原憲貧。分俸到蓬華，厚誼同

指囷固窮寒士操念舊君子仁殷勤拜嘉惠感激
用意真更示新詩篇命分玉與珉高山忘率律深
水忘齋淪若谷羣情難况在綱紀臣翹首雲海間
悠然見古人

泛碧浪湖泊道場山下

泛汎碧浪湖乍離峴山亭

吳興太守段康建亭於山名顯山亭後改峴山

荷蒲無故色寒林有餘青驚鱗潛水草沙鳥立雲
汀但憐空翠過幾忘舟楫行青山與白塔隱隱如
相迎已覘墟落近漸識炊煙生野叟作吳語相顧
殊有情涼月誰共對村酌易為醒明發入雲去遙

尋清磬聲

遊道場山

如訥禪師証道於此故名

吳興山水窟道場峙西南孤塔出雲表上摩天蔚
藍杖策入初地問法叩花龕空中聞妙香旃檀雜
優曇噴流灑飛雨斷坂支危嵐崩奔崖谷暗溇著
空青涵傲晚快胸臆登頓凌巉巖遙山蠶起卧湖
波鏡開函神往境自超象昧興能耽願言采靈藥
雲際携長鏡

下道場山至何山

有何錯讀書處

度嶺辭法雲穿林入煙樹古藤罨布袍狀流濕芒

屨何山隔幽谷盤紆引修步野鳥名自呼驚麀類
相顧峭猜難為狀明秀實天聚中有古石臺高人
讀書處已耽仁者樂去聲亦慕顏子庶感興緬往躅
遊目諧新遇亦知暫時留眷戀何能去隱隱遠鐘
聲回首雲間路

登弁山絕頂望太湖

有白雀寺

我登吳興城遙指弁山高今來弁山巔衆峰皆兒
曹陰崖溼雲霧峭壁走猿獠聖師昔談經白雀今
還巢已謝上嶺危復歇登亭勞盪胸浩煙波五湖
環周遭滅沒洲嶼失襟帶吳越交一氣何混茫變

幻隨昏朝龍威渺難即
鷓夷不可招長嘯激天風
萬竅俱鳴號

山中曉起見白雲初吐

山鳥早喚人携屐引山步
山容淨如沐蒼翠沾曉
露虛巖雲氣生縷縷上
輕素飄忽散清風遙空詎
久住幻化亦何有賞愜
隨目遇欲往尋幽人恐失
林間路

百一詩

食為民所天重穀本王政
吳民下下田况處繁華
境年來旱潦餘十室九懸
罄而何奸牙徒手握重

賤柄一石一兩奇賈直市中平出洋四倍之困戶
互相競海洋紛寇賊毒惡類梟獍有天無地處劫
掠逞剽輕金多闕糧粒蘖芽未敢橫一朝通內地
種類交手慶奸牙爾何心豢寇奪民命官司無如
何伍伯空伺偵此輩本么麼夙秉貪饕性同為版
籍民豈不畏甲令敢為民食蠹根柢那可問如癰
匿腸肺詎識毒氣盛久久終潰決軀體受其病斯
意當語誰令我憂心柄

丁糧盛蘇松難與他郡較供賦民力疲况復增火
耗每兩五六分七八漸稍稍近者加一餘官長任

所好捉輕蕪捉青官奪吏乃勦爭先植其私百私
並尤傲羸餘囊橐充正供逋欠告緡昔康熙初大
臣秉鈞要政簡民力肥黍苗陰雨膏云何四十年
萬室困凌暴充腹尚不給焉能顧庸調天家關財
賦浚削竟何效官司懼失職加耗議謹噪救焚用
膏脂炎炎者原燎善政利漸復積弊期迅掃閭閻
一何高排雲聽誰叫

南方多暴客殺奪為耕耘犇刀裹紅帕行劫無昏
晨事主訴縣官縣官不欲聞朱符遣悍吏按戶拘
四鄰保甲及里正銀鐺入公門鞫讞恣撻辱需索

空雞豚盜賊實遠颺株累連衆人縱虺虐鰕鮠主
者何不仁前年中丞公志欲窮其根峻法緝湖寇
遠慮防海氛一從彈劾歸若輩彌紛綸遂令湖海
間屯聚如飛蚊吾思牧民術先威而後恩治弊用
重典古人之所云霜雪既已加相濟在春溫鋤誅
豈常用盜賊亦平民

芳蘭鉏其根賤於水中蒲士人虐其類輕於市中
屠炎炎當路人金多崇體軀遇士故無禮棄之等
泥塗士流亦慙直敢非其大夫所以士與官鑿枘
兩相殊近聞窮廬子冠裳而纍俘官長大嫚罵虎

吏傷肌膚李樹代桃僵絕命於非辜林間一鳥死
百鳥聲喧呼同類為舉幡蒼黃走街衢官長赫然
怒謂此梗化徒誓將一網盡那復分龍魚王制選
造士允為邦國儲儒行貴自重文章砥廉隅兩者
均失之厥咎歸誰歟江河日東趨潁陽日西徂摧
折已自今後日將何如緬懷申屠蟠搔首空躊躇

觀插蒔

黃梅旬日雨溝塍水瀰漫農家勤插蒔田畷不須
勸新苗立泥途糾笠聚疆畔微風曳連漪青青動
波面媿我手足闕感彼筋力健連年五行乖窮民

遘癩旱况復官長峻填寘亦宜狂

韓詩岸
獄作狂今當暘

雨若帟吏兼遠竄頓忘身家累但適種藝顏阡陌
滿生機油然在轉盼何處起歌聲前村綠楊岸

重過柏堂懷樾亭上人

古柏長青青枯禪已云逝書卷滿流塵竹閣晝常
閉病餘煮藥鼎依然置堦砌人生皆暫合彼此如
附贅萬有歸虛無誰能固根蒂老淚不須彈為轉
華嚴偈

登清涼山

躡蹬上煙叢雲木性所戀無風松自響有澗路疑

斷茲山未峻極祇齊蔣陵半清曠豁遠目指顧得
壯觀大江岷峩來一氣混濶汗羣山龍蜿蜒千里
作屏翰城郭環蝦蚬煙火逾百萬繁華江左雄形
勝天下冠六代等置碁紛紛幾龍戰真人起濠泗
創業區寓縣考卜協地靈定鼎屬天眷末季煽腥
氛神器喪荒晏宮闕址已湮興替理可見事往迹
恍惚感來情悽惋唯有青山色今古常不變

夏日田居雜興

野人非養高無事入城府循分理故業蓄畬菽禾
黍炎月課僮僕經行向前浦稻田流水聲溪南夜

來雨老幼急農作，饁餉連婦女。饑勗知甘味，憔悴多好語。新苗扇涼風，生意滿村墅。筋力勿中惰，有秋天或許。

鴉鳴晨光動，落月在高柳。老人喜早涼，獨坐清溪口。遠煙散林隙，明霞絢峰首。寸心澹無求，木石對儕偶。何來一釣童，長竿持在手。香餌誘潛鱗，斯意在貪取。年少多機心，淳悶復何有。

籬下搗瓠葉，疆畔摘瓜華。烹茗持作羹，隔屋招鄰家。隣家過我飲，相與談桑麻。雜坐忘主賓，歡然起高歌。中有少年子，胸次感慨多。忽述市朝語，世運

劇類波夷跣漫不分三五日已遐酌酒勸少年
邨復知其佗願爾盡此酒陶陶養天和

織雲卷夕風月華麗檐隙農談當清夜並坐傍井
陌暫謝泥塗勞聊得肢體適歡此禾苗好應彼官
稅急但恐子孫愚莫識丈與尺天運諒有由忖量
亦何益益河轉星已稀露下螢欲息明發事田作
遑惜驕陽炙

過學山園

閒園莽蕭瑟獨遊適亭午深林啼竹雞石梁竄松
鼠旅葵長於以藤花落如雨緬當斷手年經營閱

自集言金卷五
寒暑雖非平泉莊彷彿輞川墅
文藻散荒煙聲華委黃土
澗泉咽不流侶訴興衰語

過陳見復山居

輕帆溯琴湖猶帶封溪雨
眷焉訪故人暮色投村墅
生人喜我至殷勤具雞黍
物新人唯舊相對忘賓主
溪山世外情琴尊夜深語
檐際宿鳥驚林端月華吐

偶然戀雲蘿移居向山澤
悠游三畝圃昕夕對木石
虞山一角青時露太古色
猿狖當僮僕花藥侍巾舄
豈輕人爵榮習靜自成癖
君看虞羅旁何礙

沙鷗適

泛富杯湖

白雲遠山來散作湖邊雨
輕舟漾寒塘趣途信柔
櫓縷縷濕墟煙沈沈
暗津鼓漁師不相識
相問還相語
源通流自清
山迴境逾阻
美人渺難即
悠然

悵南浦

時將訪蔡子方山

王耘渠春曉讀書圖

耽書如貪人
年老志未滿
又如遊名山
深入自忘
返哲匠好探
玄曉起不暇
嬾竹間翠欲
流枝枝露
猶泣挹露注
硯池磨丹事
鈎纂獵古逞
陵暴會心

恣游衍規矩範輪班糟魄誚輪扁瑤環茁蘭蓀風
姿秀九畹而翁呼與言所貴詎纓冕家貧術廼富
汲深縵匪短和風散繁衿朝暎上高阪相期契軒
虞任人嘆滯湏

香餌投深澤無由誘蛟龍尉羅張凡禽朱鳳能高
冲伊人脫權門子身返蒿蓬見幾善高蹈罹旣憐
羣蒙觀理無失行讀書有全功成敗監古今榮悴
非窮通從軍陋王粲投閣嗤揚雄年來氣彌銳知
日不再中及此節候佳侵曉臨春風我本嬾慢人
無心事雕蟲把卷未及半鼾睡如兒童胸中無一

點千古歸虛空披圖發笑粲此事讓君公

耘渠
塘東故

以王君
公比之

題淵明像

淵明本志士慷慨詠荆軻有願託空言天也無柰
何采菊聊寄興飲酒陶天和忘我并忘天世事遑
知他至今南村詩可續西山歌

九日登賀九嶺初見霜葉

相傳吳王賀
重九處

陶公愛重九我意同斯語遊興高令節山行覓儔
侶已謝籃輿逸遂陟崇岡阻讌樂想霸圖傳聞匪
稽古縱步無近尋流眄有遠觀隔隍動齋鐘半嶺

聞樵斧楓林點輕霜紅葉燦可數貌腴神欲凋浮
榮難久霧超遙偕同遊沈寥感秋序倚杖佇蒼茫
輕煙起平楚

遊天池

山靈招我深輕築上層阪巔頂涵清池坎艮象成
蹇水寒魚不生穴黝龍疑偃想當融結初天匠費
鐫鏿鑑影鬚者寒洗心煩鬱遣沼緣把垂藤趺坐
藉蒼蘚是時暮樵還風送歌聲遠雲凝蘿徑濕煙
動僧厨飯聊追謝監遊詎同阮公返不見青蓮花
羽化空遙緬

竹塢訪文文肅讀書處

山深境亦寒人家住叢竹言尋故相居指引隨樵
牧秋籜點林間斜日下籬屋登堂緬古人當年此
耕讀經術協天眷貞亮秉鈞軸道直泯險夷恩渥
輕寵辱曾罹孟博危復邁曲江逐斯人已云亡巖
壑留高躅望遠重致身懷賢恥干祿清風激頑懦
名山享尸祝何處來溪毛寒泉羞杞菊

宿清足軒贈鳴謙鴻漸二釋子

飛鳥晚投林子亦棲方丈開簾耿明河東峰月稍
上相對道門舊杳然斷心想觀空得縣解超塵指

迷罔夜靜聽始清風泉發幽響

曉登小白陽山

山嵐曉濛濛踏雲仰層頂林深光未顯峰折路疑
引陟岡輕嶮巖縱目得深迥遙巒勢環抱隱隱作
蕃屏參錯互煙水橫縱間畦町是山客少過地阻
名未炳仿佛高蹈流韜聲晦箕穎人嫌洞壑寒我
愛松石靜攀條驚鷓棲漱澗兮猿飲握蘭緬道侶
雲臥逢真境晞髮巖之幽初陽照孤影

追悼盧生景程

苦憶彌留時牀前握手語依依復眷眷欲咽口還

吐老病傷慈親癡幼憐兒女遷延卜墓地三世未
歸土是時天氣寒小樓夜方午疑有山鬼聲隱隱
嘯風雨片刻判千齡浮雲散何許有目那能瞑積
恨吾憐汝

偶然檢敝簾得子遺我書我時客朱方迢迢悵羈
孤勉我加餐食勸我懷抱舒知我念老親謂言適
起居屈指逾十年觸手增歎吁子今家中事拮据
謀所須經理累慈母長成看童雛欲慰亡者心託
辭致區區臨風發悲愴何由達黃壚

子辭世上塵我徒山中宅相望鯨溪間蒼茫一水

隔隅經故里門雲樹少顏色重上之子堂空幃畫
闌歎一棺已塵封往來驗鼠跡回思授經初六載
共晨夕蛾術同積累攻木待剖析浮漚感存亡彈
指成今昔身世總如斯銜悲亦何益

歸愚詩鈔卷六

長洲沈德潛稿士

五言古詩

遊積翠

澗奔夾道流峰沓兩崖束萬竹紛崇岡小庵隱深
谷此間變昏旦明晦或難卜幾忘長林穰但覺庭
陰沃地夷無跼步綠斷有清福蒲園此晏坐相顧
鬚蒼綠觀空了形器自照同土木鳥獸不相驚知
余澹無欲

茅篷

在鍾吾山箬帽峯下

茅蓬結空巖已及萬仞半直上無鉤梯疑是連雲
棧左右圍青崖如缺環一面其前湧太湖萬頃流
汗漫境荒鳥不巢磴險樵或斷山僧熟道機邀吾
話公案有語道不着何從分半院憐余入山深為
設伊蒲饌晷短景難領林昏日易晏白雲忽還山
嵐嶺幾回變

晚入鄧尉山宿還元閣

晚鐘流巖壑尋聲經疊嶂重遊二十年雲山故無
恙來登四宜堂聊此息筇杖老桂漸凋殘吾生豈
強壯憑軒送遠自百里納清曠晴雪漫陂陀香風

透屏障花影連湖光夕陽搖滉漾俄頃寒煙凝遙
嵐換形相夜投還元閣高枕鳥巢上風雨驚夢魂
松濤入紙帳

虎山橋夜泊

渚禽已歸巢孤舟維野岸月上霜煙空寒林白於
旦犬吠識荒村泉響緬深澗清極難成眠寐寥夜
將半

六十初度

昔我五十時身留卞山村與客日賦詩取樂無昏
晨今年屆六十高枕靈巖雲中間歲月駛恍似波

流奔往時羈旅客半已為陳人而我幸好在鬢髮
俱如銀景短念自長道蘊蘄探真自傷衰朽質官
骸漸眇昏世味雖已踈理趣仍難親還思假我年
勿使終無聞

弱齡喪慈母膩垢少完衣中年罹大故長為無父
兒鳴慶隨野鹿觸目增傷悲顯揚亦人情貧賤與
心違前瞻頽空結後顧事尤非癡兒有童心稼穡
詎能知弱息賦黃鵠空彈寡女絲百感集暮年憂
來浩無涯天運諒如此惛惛亦奚為

有客晨叩門挈榼携尊酒逢我覽揆辰置酒為我

壽自言力貧薄黽勉具升斗感客殷勤言艱難意
良厚今秋海大風洪濤蕩陵阜室無釜甑具路有
窮獨叟吾鄉亦大無糧粒空畎畝民窮禮節失簞
豆生讓詬君今申情好何以報瓊玖襍坐互斟酌
華月上榆柳醉後起浩歌為君鼓瓦缶

題沈菡廬幽居圖

菡港風蕭蕭幽人雲水隔遙山九點青秋雪半湖
白高懷賦郊居連蜷狀雌霓時乘一葉舟泛此煙
波宅想象蘆中人月明夜吹笛

經仙掌峰至石屋

文肅嘗讀
書於此

尋山得靈闕險磴緣雲上峰裂十指形云是仙人
掌造化弄奇巧留此意外想蹊危少安步石仄容
孤往迴矚途屢變遙睇景難象古洞勢豁訝深入
轉開朗境寂返聽真無風動虛響石扇疑啓閉仙
踪乍惚恍哲人耽誦讀於此得幽賞出山嬰華簪
罹禍幾鈞黨撫躬審行藏懷賢緬疇曩何如此冥
心玄珠探象罔

淮陰侯釣臺

淮陰未遇日投竿
蒼水涸終日不得食
每遭市人嗤時逢
衆母漂有母憐其
饑進食亦偶然報
施非

所知英雄感人惠偏在艱難時蓄此必報心鐘室
蹈禍機吾來登釣臺波沅綠瀾瀾陰風吹寒雲疑
有精靈歸感念箴弓言慷慨有餘悲

過牖

截流利轉漕險要開版牖奔流挂丈餘玉虹下石
硤驚霆擢礮硠鐘懸響鞞鞞未到耳先震乍覩氣
已警客舟排檣竿喧逐亂鷺鳴懦者懼欲弭勇者
浪堪踏長年理戩篤鳴金衆夫集退行索齊挽逆
上船疑立忘身與水鬪性命輕於葉人定終有濟
忽奪兩崖入中流自在行安危判一睫出險更思

險心定膽轉怯猛省戒垂堂未敢貪利涉前途浩
茫茫願言慎舟楫

過海澄訪彭芝庭宮允即送之江右

皇居逼西山從臣宇鱗次遠道訪故人輶車挽長
轡海澄滙衆流波光漾溶滴迴塘犉牛眠沙岸羣
鳧戲秔稻搖微風水花送香氣

帝心念三農幽風在畿地恍然過湖邨眷焉動鄉
思前行瞻五雲陂陀稍留憩而胡金閨彥高館隱
蒼翠入門疑長林閒雲樓薛荔

相別已三年相思隨日積相見語難傳情深轉緘

默在貴每忘賤俗情異今昔君展垂天羽猶念卑
飛翮追數廿載前藝圃共探索各勉百年身相過
一區宅誼目契濶深業以歲時殖丈夫貴道合豈
在形與迹攄抱存古懽樂酒慶今夕

之子持玉衡量才貢

天府中州選騏驎六詔收鼎呂

詔遣赴西江炎月正徂暑為國重得人照物須秉
炬邇來變文風爭先偃遺矩渾渾復為為方簋而
員簋不知誰開先連延到九土相期挽頽瀾宗經
泝三古剪燭話良宵聞雞添別緒行行戒前旆

島思詩金卷十
駢不遑處

書謝皆人詩卷後

亂泉流竹陰寒氣到衣袂一編香祖詩日夕靜相對并忘嗜愛心尋味語言外

重九後一日許別駕雙渠寓齋平臺眺覽
用謝康樂九日戲馬臺韻

前宵風色悽寒花似經雪葉脫繁林瘦水定空潭
潔今日稍和暖乍過重陽節客路念廩秋嘉招聚
羣哲平臺出人境西山露林缺身高流目遠慮潛
羈心悅撫今慙林棲湖往感朝列地為達官故宅鳴絃韻

徐勣浩歌節方闕理得輕名譽道存合軌轍采菊
易盈把含情難為別各珍歲寒心老我忘蹇劣

簡金東山

聖代重明史纂脩自夙昔康熙己未年史臣各分

職鴻臚

衆耆儒

湯潛菴汪鈍翁毛西河尤
梅庵朱竹垞潘次明諸公

鄭重操

薇纒晨星漸零落繼起踵其迹

萬季楚姜
西溟諸公

葺城王

司農史稿彙鐫刻羣材搜擇富四紀歲月歷

至尊勞睿覽煌煌下令敕史裁麗可觀未殫才學

識

詔令重纂脩諸臣秉正直君雖鄉貢士公卿並側

席延訪入史局衆指推巨擘常啓金匱繙鉅典共
紬繹茲事誠大難一字判泚憲談遷彪固後擘壽
共標格廬陵追前蹤餘子難為後發凡及起例詎
敢肆胸臆有明三百年大事貴綜覈文皇逼金川

靖難昭順逆忠義藉表揚誣謬需刪革從七隨筆
致身錄之

類 土木蹶乘輿立君莫中國奪門陷于王厲階首

徐石大禮議興獻君臣逞罰復尊親人子心奈何

稱皇伯稱孝宗為皇伯考
則大統中絕矣言官子廷杖不死遭竄

謫婦寺持太阿三案亂白黑遂令鎮撫獄填積忠

殺路天怒人復怨秦晉熾蛾賊國步既板蕩思陵

殉社稷中外死節臣決脰如飲食勸忠自
興朝闡幽待史冊此皆關法戒予奪嚴剖析君本
嗜學人食雞欲干蹠素聞南董良紀事能核實為
語諸同館要湏慎筆墨野乘防虛無實錄更決擇
一語違寸心人禍連鬼責努力報

聖明千秋光載籍

八月十六夜集畊石寓齋得袖字

圓景如昨宵乍昏吐遙岫歡言赴嘉招同心並蘭
臭小山紛木石長筵雜釘餽戶小避卷波戲劇聊
射覆滔蕩從吾適寓言入悠謬西墻寒光動俄頃

白於晝樛枝影垂蛟驚巢鵲翻
敲佳節雖浪擲

中秋

夜同人宴集
予以事未赴

良會喜重覲惟時頓八紘
網羅到巖

竇四郊鳳麟遊千里駉駉驟我本漫浪人
踪跡侶
猿狖偶作離山雲夢寐懷橘袖妄動戒拂
頤无咎
卜井甃還期同羣妾扶掖啓蒙霧夜久河
影斜嚴
更送殘漏涼露寐無聲涓涓濕襟袖

詠史

搏虎不旋踵斷蛇不易腕
陳蕃與竇武協力誅奄
宦密謀貴通神迅擊尚走電
而何露章奏諄慢同
戲玩喋血滿掖庭劫后遷
別殿成敗判頃刻受禍

緣不斷別有注訓流倉卒昧成算除姦伏戎兵遽
召甘露變允豫固敗國躁妄亦懼患邪正雖殊途
遇事同督亂緬懷平勃謀深交有成見

氣節人本根推激禍所伏東漢顧厨輩標榜興大
獄骸骼填牢戶肢體被三木排擊由閹豎流毒遍
士族諸賢既云亡王室亦日蹙危言操褒貶夫豈
國家福惟時申屠蟠因桑以為屋絕迹梁碭間超
然出榮辱黨禍後代興貞行誰能續雲際冥冥鴻
千秋仰高躅

山中雜興

我本山中人但識山中事猿狖伴比鄰雲木關寤
寐晞髮當初暘濯足臨水次地險心神夷巖壑每
平視行止豈豫謀興到隨所寄山邨酒新熟頽然
取一醉

山鳥亦求侶山麋亦念羣山居久寐漠懷我素心
人素心在遠道雲路難相親欲寄三秀草無由致
殷勤臨風默惆悵倚樹望歸雲

有客城中來儀容自舉舉憐我山野人應接寘言
語勸我讀詩書略識堯與禹方今風教盛珪璋滿
文府多謝嘉客言賦質本樸魯鴉鵲占吉凶草木

識寒暑歷日且不觀焉能辨今古

山田雖犂确耕芸湏及早饟黍連婦豎勤劬藉庸
保灌畦疏澗泉殺草朽辛藜涼風翼新苗油油顏
色好力作苟不虧西成獲所寶吾生亦人情勞力
營一飽過足復何須轉使胸襟擾

風雨嵐氣合濛濛昏林樹今晨天宇高欲往遙邨
去微風清布衣積淤濕草屨丁丁樵斧聲杳杳溪
南路狀流阻前行悵望雲生處

雷雨動浹旬枯朽蒸芝菌欲拾煙霧迹携筐越修
畛林紆莖徐生峰轉路猶引聊遂藿食謀匪慕達

鮮惠詩金卷六
人隱前途滅行踪空林竄麋麋

題錢訥生印湏圖

雲路天茫茫空江波漫漫渡頭爭利涉乘此舟航
便舟航豈不便輕涉匪我願我友期未來佇立垂
楊岍

經徂徠山懷古

徂徠勢連延嵐嶺如走馬亭云梁父間茲山實匹
亞緬懷躬畊人抱犢卧林野作詩紀聖德袞鉞判
匪假羣小謗歆騰含冤在泉下三復明復言憤激
何為者

答曹謙齋見贈并題詩橐

燕臺復會合念君尚垂翅如逢任由華練裳而葛
帔遇蹇維心亨嶽嶽秉道氣恐我違素衷苟且廁
微位初衣受緇塵林壑抱慙媿箴規豈偶然猶存
古人誼感君意綢繆書之箴篋笥願與白鷗羣洗
心兩無累

雅鄭誰復分正聲日以熄鏤刻非不工性情漸乖
隔之子慕謨咸憲章在古昔寂寥成連琴海水相
蕩激所守苟不移道在終有識聽曲賞其真藉介
鳴盛德遇合俟時命憂樂匪通塞他年咏猗那輝

光耀邦國

同館諸公送予南還分賦吳中故跡予得
雅宜山即以志別

林居夙所耽偶作塵海客應接喪本真眷焉念泉
石雅宜面鍾吾瘦削見山脊境深松自寒壑阻流
逾湜當年履吉翁於此布吟席藻雅雖云亡礪戶
仍在昔言辭文翰侶行就薜蘿宅去去訪娜如名
山娜如一筇亂山碧

舟行寶應高郵間書觸目

舟過八寶田直下秦郵路孟湖連汜光陂形摠非

故斷續失隄岸零霄合煙霧人家濤浪中屋宇隱
隱露高地存丁男十室九顛仆充腹仰草根棲身
雜野鷺愁霖始凜秋積潦歷寒冱下流倘宣泄滔
滔自東注曾聞並濬言海口疏宜預天灾實流行
人事豈終誤舟行偶觸自儒生匪借箸風利指蕪
城更向蒼茫去

月夜泛舟太湖

短棹出胥口放眼忽渺漫暮景四野合圓月升雲
端微微流遠目隱隱吐煙鬢浩歌聲激越擊汰弄
潺湲身在水壺中心骨俱清寒魚龍靜夜出跋浪

自長言金六
生洄瀾送我助長風舟疾如飛翰平生苦結轡頓
覺胸懷寬此時探歷心已上高峰間

陽隲

山形如玦環聚族成邨塢東向受初陽和風滿林
莽人家藝花竹傍湖業網罟嫁娶不出邨禮讓成
賓主世氛日蹶喧隔水風偏古我行訪林屋失道
遵枉渚居人知我至相邀具雞黍地僻多遠心情
真寔浮語把卷懷前哲

讀蔡九達
秦存古詩

臨風久延佇

石公山

青螺點蒼波登陟忽巒岫山石備萬形變態各奔

湊荒幻理所無，
詭境罕觀造。
物費鐫鏤，
用力幾莫就。
亭臺嵌巖阿，
因地成締構。
風術一罅，
天歸雲百尺。
竇石公與石，
姥峙立兮左右。
我來秋已深，
遙林熟橘袖。
問齋饌伊蒲，
隨目觀衆皴。
夜留來鶴亭，
巔霜寒伴猿狖。

林屋洞

洞天名幽，
虛禹書闕。
靈藏三門會，
一穴璣瓏斷。
天匠蟻進連，
虵行始窄。
漸空曠，
堂房位廣深。
鐘磬列形相，
金庭玉柱間。
石芝許供饌，
俯睇凝雲煙。
仰聽翻波浪，
南行通羅浮。
西指達巴閬，
石門忽半掩塵。

直言金方
踪此蔽障天工弄狡獪仙凡劃相望境深路轉賒
志專神豈喪誓將葆我真仙籍終可訪一咲對左
神名山尚無恙

雨宿包山寺

暮雨湖上來青林忽然匿名山依約間寒鐘引遊
屐冒雨越溪橋言入化人宅山僧少禮數相見如
舊識導我上齋閣為我換巾幘款款接笑語渾忘
主與客暝煙積窓戶濕翠寒几席夜久滅見聞紙
帳空堂寐魂夢亦孤清一燈耿虛壁

自包山至羅漢寺

乍離師子窟言指應真寺宗漏越脩澗虛無挹空
翠紅樹初綴霜秋林轉多媚古墳鬱松楸豐碑尚
堪識如何姦諛骨而使名山愧有黃潛善賜坐路轉逢祇
林昔時布金地五百摠一身形骸貴捐棄慈鳥無
凡聲幽花有閒意老僧不誦經食罷且耽睡欲問
維摩詰超然脫文字

明月灣

明月照九土一灣擅嘉名斯義何所取境地應空
明居人淳古風種樹兼力耕雞犬多靜意兒童息
喧爭聲名非所知况慕簪與纓見我生客來耳目

俱相驚願爾毋相驚我亦同爾情來探山水窟心
淨形骸輕還期明月夜領此冰毒清

毛公壇

龍威竊禹書天地無大文劉根長綠毛遺世如垢
氛林屋雖隔凡仙壇匪迷津當年煉丹時矢志凝
不紛積此萬古心委蛻在白雲一念苟退悔何方
可輕身寄言學仙者采藥還養真行當從毛公更
思窮左神

縹緲峰

高峰七十二縹緲稱獨尊拔起湖波間半嶺雲煙

屯登頓到絕頂岷身堪蹲上窺蒼浪界下洞虛
無根三州落眼底隱見分涯垠遙遙道場山一髮
留青痕長風忽然來驚濤互吐吞虛巖勢飛動疑
逐洪流奔我心慕遠游何由悵神魂便思驂青鸞
逍遙上崑崙

消夏灣

山坳形灣環湖濬與之準六月無炎威徑深地虛
北荒王此消夏涼氣到衾枕世遠散雲煙跡廢成
畦畛居民事耕鑿餘業課茶筍蠶者為魚蠻揚帆
拾蛤蜊我行已後時寒風自淒緊荻花徧秋雪荷

香失殘粉何當長夏來葛衣試新衫靜坐悟榮落
露下觀朝槿

矢小龍渚

龍化為石雄視龜與龜山何年卧湖波天矯難
騰飛從以小龍子蜿蜒形躡踞樹木產石罅歲久
成樛枝爪角俯煙浪鬢鬣搖霏土人來伐藥面
目俱黔翼尋幽偶相遇詫我能忘疲境危接引斷
路滅窮探稀多謝伐藥者窮薄輕喙崎我心同石
頑等視險與夷未能游石蛇媿負山靈期以日晚未及遊

龜山神女祠

石龜瞰湖濱厥形取維肖出水何蹒跚昂首更雄
譚上有神女祠代遠失位號靈旗輕飄翻野鳥晚
嗥噪神光離合間依稀見玉貌侍從何娉婷珠璫
揔年少神絃已無聞秋成聊賽報我心何所祈無
煩擲杯琰朗吟韋公詩九歌有遺調明當乞靈風
送我湖上棹

寄袁生質中

旅寓百城樓虛牕納莽蒼上聲放懷論羣書起予賴
吾黨艱深理阻絕會悟忽開朗主人敬愛客朋駕
時亦枉琴尊上扁舟明河采菰蔣節序過輕雲風

雪走塵埃聚首忘歡會別後覺惘惘回首南天雲
湖鄉成夢想

讀書貴精專所重非飭餽辟諸植嘉木培根枝自
茂又如服良藥積久效迺奏吾子英妙年性喜探
藝圃流目得意遊心少疑竇惟恐近涉獵誇多
以為富好學在深思片言亦窮究德鄰既磋磨經
師况指授張賓王同學豐年俟他時子今且耕耨

古詩三章寄呂松坪方伯

廩秋倏言別乃在由拳里鳳羽悵分飛萬里從茲
始驄馬赴平羌陳臬向邊鄙予亦辭孤蘆索米遊

縹帶金臺望雍州一氣向西指浮雲徙空來
經弱水丈夫輕形骸詎在接綦履寸心兩無違天
末尺有咫

君本忠孝家馭下能煦育繡衣愈赭衣唯恐一
哭撫綏貴順情一羊戒九牧既憂民力疲亦慰先
人辱循行騰惠聲

簡在及遠服出布三晉政和風到茆屋心清諒不
回任重難自足唐堯有遺風還期化邦俗

憶昔定交初作合緣文字磁石能引鐵相感以一
氣命訂先公詩星芒垂五緯還傳投贈篇家學能

不墜勉我立脩名勸我敦古誼名辱豈無階履榮
應有地感君意纏綿藏之在篋笥欲報金玉音區
區莫由致臨風緘書札願附雙飛翅

懷趙意林聞將來京師

西溪寒香國往者共泐沂人在雲英中迷花不知
處泉聲清心魂嵐翠留杖屨別來將十年曉夢散
無據君廬仍養拙我衣未蒙浣何時吹南雲來向
幽燕住同羣易為悰無悶或可庶把晤話前因神
往冰霜路

君家富藏書七略收已衆弟兄相師友挾冊每吟

誦匪誇浩博名亦藉經世用聞君將束裝遠道騎
白鳳携書萬卷餘牛車亦為重得深部已徹心公
客還共行當徃借讀胸襟洗塵霽絃歌同餘清聊
以忘屢空

宗經

宗經挾其心言文行乃遠軌愈非一轍作述義歸
顯不知始何人立心尚乖舛採掇羅新言志荒入
抵譎艱深文淺陋務華根必鏟譬方珪轉員上履
下斯冕黑風飄鬼國龍伯共游衍况逢登高呼應
者首俱俛體要思古人至味在彞典西流日滔滔

逝波何日返

寄陳少章

時七十
初度

人生不讀書目不知聖賢人生多讀書矻矻窮歲
年先生嗜汲古修綆投淵泉經史暨子集馳驟無
漁畋掇腴棄蕒魄得要忘蹄筌圭璧聚文府輝光
到山川戰勝貌自肥理足天能全至今年七十放
眼義黃前

少歲尊高名大賢之所許

湯文正公

後聞重色養循陔

采蘭莊蘿屋四五椽曾不蔽風雨此中大有入車
過身頻俯予慙失業徒夙昔通縞紵邇從京雒遊

悠悠悵修阻窮經違撲學禋躬乏宗主何時返南
國從君酌今古

題溪山清遠圖

吳興好溪山清冷復平遠人家住冰壺桑陰散雞
犬何處鷗波亭閒雲自舒卷

輓蔣靜存太史

同譜三百餘惟君最年少英氣溢省宇高懷發長
嘯胸中有不然振臂頭屢掉男兒生世間赤手搏
虎豹前途萬餘里騰躡自許到古鼎歎雲煙大主
重廊廟而胡瓊樹枝霜風忽摧撓閭闔高無極冥

冥邴能叫

祖德本貽謀纂承竟無據忠厚可綿延胡為舍之
去黨妻笑向天歲月淚中度後起已有人保抱尚
童孺他年讀父書為期正遲莫人生重好脩軌道
若馳騫守軌倘脆折斯增君子懼修短亦偶然年
命聽諸數不悔嗜善心顏子其可庶

遣興

鄰樹散初榮空庭藹餘綠枝間小鳥鳴清音愛晨
旭靜坐觀物化新機往而復吾心適無事閒展道
書讀炫長斯見短希榮乃得辱入世戒有為養性

在無欲窓外響松風茶鐺煮初熟

詠桃花源

建德國可遊送者自厓反桃花洞可尋問津人自
罕莊生本寓言彭澤意隱顯境在天地間匪近亦
匪遠蓬壺渺難即跬步轉堪踐玉沙與瑤艸仙跡
常在眼寸心泯營覓動履俱夷坦誰云魏晉後三
古終難挽詎使武陵源千春只遙緬

題五同會圖

有明孝宗代衆正聚斗杓升庸健劉與遷謝抑塞
張綵並焦芳高天麗景慶鳳林息鷓鴣吾鄉多達

人接跡登螭坳文定掌秩宗

吳公

文恪貳銓曹

王公

濟

李公少常伯

世賢

陳公紘羣寮

王汝

吳公司問鄉

驛馬

相與連軫鑣同時既同郡同朝傍雲霄志同道合又
同節旣何清脩拜揚各承粥退食相招邀琴酒襟
談讌經史供厨庖命工繪五同林壑齊逍遙聚散
安可常存沒隨所遭孝宗乘龍馭驚驚無安巢鬼
蜮盜魁柄主張惟豎刁五公漸淪喪世風日愒愒
于今三百年事往馳風颯五家俱清門興謝殊同
條畫卷半散軼沉埋委蓬蒿罔鄉有賢裔寄跡江
之皋述祖仰德業懷舊欽賢豪楚弓楚人得什襲

藏錦綢先代靈爽存呵護自前朝遠道寄示我珍
重英瓊瑤披圖見前型老成鬢蕭騷上以覘廟堂
國步區聲昭下以下家運世澤分榮凋古道今漸
漸波流或滔滔安得五君子如岳聳岩堯一洗脂
韋風為時勵頑澆

黃崑圃先生招集看菊

秋深天宇空氣肅萬物潔高齋有餘英留此霜下
傑哲匠喜幽芬嘉招當令節仿佛洛下翁杖履聚
耆耄未坐綴後生鬢髮欲成雪對花靜忘言白雲
共怡悅時暮易為感慮淡罕所關落英真可餐心

迹兩清絕

南方藝佳菊風格比高士北地滿町畦紛紜漫紅紫主人有真賞羅致輕千里根茲既遠來去壤亦遷徙一朝風露下集此殊方美生卒愛才心移之到佳卉所好物自歸夢寐通彼此此意誰復同臨風悵無已

酒半展畫圖先民結良會茶陵聚羣賢

展李西涯看菊圖

風流解冠帶我鄉六七公

吳乾庵王守溪陳人文玉汝李世賢諸公

此為取客同西園盛花重紫桑愛龍鸞奮明廷冰雪見清裁把卷緬曩哲撫時仰前輩菊仍徃日花

交豈今人態珍重歲寒心
晞髮塵埃外

將之定州涉水作

急流衝平沙驚浪劇奔馬
行人謀截流紛紛滿田野
深溝幾滅頂淺渡亦沒踝
使者猶濡軌僕從俱苟且
方懷濟物心敢視同去苴
彼哉獸役人縱已胡為者

觀龍興寺大佛像真定縣

中山古雄郡傑閣入雲際
佛像與閣齊七丈人仰
跂鑄像始開皇成於大唐
帝金銅百萬斤天家豈
論費朱邪逞干戈鑿毀十
之二後周不佞佛銷鎔

代金幣宋帝復舊觀後王世無替徵福千年仍布
金萬里說疏觀歷代碑林立雄鼎屬宣揚象教力
周孔莫與儷一心遍恒河彈指救萬類塵劫永不
磨仗此大智慧嘗聞佛氏教執着乃為累觀空超
無無計功或憇憇吾生勞行役聊此息屨扉踏閣
瞻龍鳥放眼睇幽薊冥搜真可追曠然豁胃次落
日欲銜山流光餘紫翠

將之磁州一路所見如故鄉風物

滏州沃衍地彌望皆原田平畦間阡術微波遠淪
連雨餘小水鳴泱泱流清川苐藻帶搖漾接芡絲

松綠翻空下白鷺浮水來烏犍數枝紅蓼花當風
媚嫣然宛如湖鄉景不見逾三年倏忽紫寸心飛
度解溪煙此行將

王事役役馬鞍鞵耕釣夙所業未暇全其天故林
付夢寐悵悵涼風前

扁鵲墓

蕩蕩蕩陰里荒荒扁鵲塋積此終古恨草生不復
青當年活人多到處留令名活人轉見殺忌者爭
相傾毋恠後世豎庸庸保其生

望蘇門山懷古

漸車過衛河沿綠淇水澳緬懷泛松舟空聞詠葉
竹遙遙蘇門山蒼蒼入吾目泚泚百泉源淙淙下
飛瀑晉人高隱處潔身抱幽獨嘯臺鸞鳳聲道然
振虛谷不隨阮公狂忍見嵇生侈後賢關山堂孫
君奇躬畊黨所欲任俠氣已除學道心靡足兩朝
却徵聘百年老邁軸清風接軌軫千秋兩黃鵠斯
人不可招山林誰抱犢悵望空踖踖征車催轉轂

渡黃河之滎澤懷古

銀潢從天來萬古河流黃無風浪自湧入耳驚雷
碾一扁峩峨下破空馳帆檣截流徑飛渡雲山拍

滎陽昔時角兩雄廣武古戰場險要據成皋勝敗
爭教倉豎子竟成名英雄許誰當嗣宗雖狂論其
氣慨以慷王霸今安存濁流但湯湯前期駐傲城
日晚煙蒼茫

為夢堂司馬題虎山夜泊圖

昔年訪梅花崦西泛舸艫沈寥山水窟夜永煙霜
冷幽香淨心懷孤鶴時一警自從羈日下此景付
沈冥忽披冰雪卷清氣歸溟滓酌月帟山橋微光
上東嶺山水憺娛人慮靜何煩屏因之憶舊遊夢
魂落煙艇

閱囚籍有感

報囚當秋月囚籍何紛紜貪盜與淫殺一一乖常
倫咎繇有餘怒唐帝無哀憐何為邳隆代千紀多
莠民閱實故其罪鍛鍊或非真太寬失刑憲太密
防銜寃死中求一生全憑寸心仁求生百不得此
心庶可捫那敢恃聰察視人如雞豚取快祇一時
應計子與孫顏體三刺意毋虧

聖人恩

觀舞劍

廣庭豈無譁冷燄照四壁利劍露鋒刃壯夫岸巾

情忽然奮東舞，慕爾向空格。應節符進止，輕身肆
騰擲。退步想七縱，曲踊異三百。回旋走雙輪，開
闔張八翼。颯颯冰華飛，疊疊銀濤激。梨雲散高天，
蓮花耀重帟。晶熒電光閃，蕭滅霜飈逼。叢射截利
矢，羣搦斷長戟。擊柱鏗有聲，斫地騁留迹。疾來素
練奔，徐罷流虹匿。歛翮落妖鳥，破膽驚鬼域。遥睇
自並眩，迫眎舌俱齟。神勇覩自今，趨捷聞在昔。猿
公授奇人，莊子說前席。宋意咲慶鄉，沛公仗項伯。
大言天外倚，絕伎筵前得。撫時際黃炎，柔遠靖靈
韜。不頓純鉤芒，祇衛君子德。豈重三尺兵，并輕萬

人敵于羽舞廷階永使苗民格